

ser vast in A / vnd rucke denselbigen so lange hin vnd wider das man den Thurn
 L das oberste ersehe / durch lange deines gesichts / welches ist A D. als dan vnd
 rucke die regel so lang das ersehe des oberste des bergs M verzeiche wider langs
 die regel die Linia deines gesichts A C / dan auch ein Linia Parallel mit dem
 Horizont / diß also gethan / gehe in ein rechte gegen dem Thurn zu / alda ein di-
 stanz g. kommen nach deinen wolgefallen / welches alhir ist 15 Passis / alda stehet
 widerum die stelle dar zum anderen mal dein Instrument / vndt zeiche auß
 A langs der regel in die Linia Parallel mit die distantia E E 15 theil / das ist so
 vill als man dem Thurn nacher ist gekommen / welches fallen in B stelle dein
 Instrument in den 2 stant E so das B vndt E mitt ein ander sich vergleichen /
 vndt die regel in B fast gemacht / als dan siche widerumb die zwey puncten L
 vnd M vndt zeiche die Linia deines gesicht welches mit nemen / das durch
 schneidt in die vorgehende puncten C vnd D / auch durchschneidt die Linia A C
 vndt A D / ziche nun ein Linia auß das punct D in das punct C / nun wirdt ge-
 sagt so vill der selbigen theillen C D begreiffst / darab A B 15 ist / das L M so vill
 Passis hoch ist / so darumb C D befindet 15 theil zu sein / so soll L M auch 15 Pas-
 sis hoch sein. Das ist dasjenige so man begehrt zu wissen / vndt diß bewenst
 Euclidis in seinem sechsten Buch im sechsten Propositione / darumb wirt alle
 dingen der Geometria auff Euclidis bewenst / wehr den selbigen woll ver-
 stehet wirt nicht vill andere von thun haben welcher ich zum besten hier bey
 habe wollen sehen.

Ein ander Exempel im selben Kupffersuck.

Wes etwan geschehe das ein Thurn in einem thall stehet / vndt der Meso-
 ser sich in einer hochde findt als hier den Thurn / F G stehet der Messer in
 H / neme dein Instrument vnd messe als vorgehende gelehrt ist die Distantia
 F H / vndt G H / alsdan stelle dein Instrument in H. das langs der fleche dessel-
 bigen gesehen werden die zwey punct F. vnd G / vnd die regel fest gemacht auff
 Instrument in H / als dan rucke die regel so lange hin vndt wider / das durch
 die absehe gesehen werden das oberste des Thurns F / vndt das vnderste des
 Thurns G vndt verzeiche die 2. Linia deines gesichts / welche sein H I vndt H K
 vndt nemen das hiervor durch das messen befunden ist H F lang sey 70. fuess /
 vndt G H 65 fuess / zeichnet dan nach H nach 1 70 theil / der regel / vndt von H
 nach K 65. thellen / welche ich neme das enden in I vnd K / ziche fort ein Linia
 von I M K / nun sag ich so vill theillen als die regel I K befinnt zu sein / so vill fuess
 soll auch die Thurn F G hoch sein / welches man begehrt zu wissen.